

Dowlen Hensys Degadow

Gweres ow Kovadha Agan Termyn Eus Passyes rag an Termyn a Dheu


Y hyll helerghi metol omgemeryansek agan gweres ow konvedhes an termyn eus passyes.

Yn fenowgh troviansow yw an unsel dustuni a wriansow den, mes wosa remova an re ma a'n dor (marnas aga bos kovadhys yn fas) kellys yw an dustuni na. Ytho y koodh dhe'n drovyoryon holya *Koden Fara rag Helerghi Metol Omgemeryansek yn Pow Sows, Kembra ha Kernow*, ha kovadha aga throvyansow dhe'n **Dowlen Hensys Degadow** (THD).

Y kovadh an THD troviansow diskudhys gans an poblek rag avonsya skians a hendhyskonieith Pow Sows, Kembra ha Kernow. Kavadow yw an manylyon ma der y selvanylyon warlinen (finds.org.uk/database). Y hyll pubonan drechedhes an manylyon, mes manylyon a'n leow-trovia kewar yw kevadow dhe hwirthroryon wir hepken.

Y konsyst an Dowlen 40 Sodhek Keskolm Troviansow (SKT) selys yn leel ow komprehendya yn tien Pow Sows, Kembra ha Kernow. Aga ober yw dhe geskelmi orth trovoryon ha kovadha aga throvyansow: Y hyllir kavos manylyon a-lemmyn a'n mayni leun usi owth obri rag an THD omma: finds.org.uk/contacts.

Y fynn an SKT gweles pub taklen ha bath hwi dhe drovia, mes res yw dhedha dewis pyth a vo kovadhys. Chevisys dhyworthowgh a vydh an troviansow, ha dehwelys wosa aga bos aswonys ha kovadhys. Posek yw hwi dhe brovia Kampol Rastell Genedhlek (yn lyha dhe 8 riv) rag pub trovians, awos, heb tyller, ny's teves meur a dalvosogeth hendhyskonieithel.



Tresor

Dre lagha yn-dann an Akt **Tresor** 1996, res yw dhe drovyoryon kovadha troyansow a allo bos Tresor: y hyllir kavos sturryans a Dresor omma [//finds.org.uk/treasure](https://finds.org.uk/treasure).

Dell yw usys kovadhys yw troyansow a'n par ma dhe'n SKT perthynek, neb a allo provia kussul bella ha gidyans dhe'n argerdh.

Yth alow an Akt gwithti kenedhlek po leel dhe brena Tresor rag les poblek.

Mar kwra hemma hwarvos, neb pewas yw tylys, hag a vo kevrennys yn kehaval, dell yw usys, ynter an troyer ha'n perghennek tir. Pewasow yw settys orth talvosogeth leun an varghas, ervirys gans Skrifennyas an Stat yw kussulys gans panel anserghek, an Kessedhek Talvos Tresor. Ny wra perghenegi troyoryon po perghennek tir aga fewas treweythyow, mayth alow gwithtiow dhe brena troyansow orth kost isel, po heb kost.

Der an lagha ny yll troyansow hendhiskoniethel gasa an Ruvaneth Unys heb **kummyas-esperthi**: hemm yw res rag pub troyans moy es 50 bledhen y oos.

Res yw dhe'n esporther ombrofya rag kummyas, hag yth avisir i dhe dhevnydhy a kampollans selvanylyon THD rag pub troyans yn ombrof yansow-esperthi: gwelowgh

<https://www.artscouncil.org.uk/supporting-arts-museums-and-libraries/export-licensing>.

Dyghtys yw an THD gans an Gwithti Bretennek orth Hensys Degadow & Tresor, Gwithti Bretennek, Loundres, WC1B 3DG. Pell: 0207 323 8611. Ebost: info@finds.org.uk.